

大樹緊那羅王所問經

牙

百卅八
被一

48155



佛日增輝
佛日增輝
佛日增輝
佛日增輝
佛日增輝
佛日增輝
佛日增輝
佛日增輝
佛日增輝
佛日增輝

山州天安寺法金剛院置

年天二二月三日重脩



大樹緊那羅王所問經卷第一

姚秦三藏法師鳩摩羅什譯

被

如是我聞一時佛住王舍城耆闍崛山與大
比丘眾六万二千人俱菩薩摩訶薩七万二
千眾所知識皆從十方世界來集得陀羅尼
無礙辯才進入念慧慚愧具足其志堅固猶

如金剛善修成就一切佛法志意精誠成就
具足自不忘失菩提之心亦能令他而不忘
失善調柔軟攝伏諸根善能知捨所愛之物
以清淨戒善自莊嚴於諸眾其心平等以
柔和忍力而自莊嚴於無量那由他阿僧祇
劫勤修進力於諸禪定解脫三昧遊戲神通

自在無礙善以智慧分別一切諸法句義其
心不動如大山王於諸衆生其心平等如地
水火風善離愛恚常行慈心恒遣慈光遍照
衆生安住大悲常勤觀察一切衆生住於大
喜樂法具足住於大捨得無二智利衰毀譽
稱譏苦樂皆已超過如是世法慧光善伏自
衆他衆降伏衆魔世所難遇如優曇華爲諸
衆生中大師子吼究竟涅槃悌樂甚深四無
所畏爲如來印之所印之所記無錯如說而
行於深法藏義味相應蔽諸日月名稱流聞
徧十方界必爲諸佛之所護持守護法藏常
不斷絕三寶種性善能遊過無邊佛刹善解

了知隨宜給侍諸佛世尊聽聞受法常勤精
進教化衆生得到方便智慧彼岸善隨一切
諸衆生根如應說法善知一切諸衆生等意
行之相其心淨妙善巧言說爲大醫王善療
衆病已於無量阿僧祇佛所種諸善根善集
相好福德莊嚴善能解了空無相願善解諸
法如幻如炎如水中月如夢鏡像解一切法
如虛空相善能解了一切衆生音聲言說善
分別法樂說無盡善能觀察出世之慧成就
大力近佛十力得明肉眼天眼慧眼法眼佛
眼善度莊嚴助道法分善解超度一切諸道
明了菩薩法藏所攝善能轉於不退法輪得

三昧印相善能知到金剛場三昧一切諸法
自在三昧常現在前持大寶炬其心謙下於
諸衆生常觀一切諸衆生心亦常觀諸衆生
智慧近佛智慧令諸衆生施作佛事所作事
辦皆已聚集一切功德盡未來劫說其功德
不可窮盡其名曰寶住菩薩寶有菩薩寶手
菩薩寶華菩薩寶相菩薩喜見菩薩愛意菩
薩愛眼見菩薩持地菩薩作喜菩薩大勢菩
薩大德菩薩降魔菩薩摩竭提菩薩濡天菩
薩曼陀羅香菩薩寶喜菩薩等觀菩薩無高
下菩薩善御菩薩一切衆生不請友菩薩彌
勒菩薩雲音菩薩持山嚴菩薩上積菩薩上

友菩薩勇友菩薩光相菩薩光德菩薩燈王
菩薩觀志菩薩光莊嚴菩薩雜綵冠菩薩天
冠菩薩天王菩薩天眼觀菩薩觀世音菩薩
善臂菩薩善思志菩薩善住志菩薩善住業
菩薩不動足進菩薩金剛足進菩薩越三界
足菩薩疾辯菩薩速辯菩薩無斷辯菩薩無
住辯菩薩妙音菩薩梵音菩薩喜一切衆生
音菩薩文殊師利法王子菩薩如是等上首
七萬二千人於此三千大千世界釋梵護世
并餘大威德諸天龍夜叉乾闥婆迦樓羅緊
那羅摩睺羅伽人非人等比丘比丘尼優婆
塞優婆夷皆來集會爲欲聽法尔時世尊與

無量百千大衆恭敬圍繞而演說法尔時天
冠菩薩即從座起整於衣服偏袒右肩右膝
著地合掌向佛以偈讚曰

超世爲世住燈明

智慧利益於世間

令結闇者得光明

我今稽首離世間

十力行施最殊勝

善自調心到彼岸

天人龍神所供養

稽首敬禮燒結仁

勝相多利益世間

金色圓光普周徧

持淨妙戒大美音

稽首三界最無比

度諸衆生到彼岸

調伏諸論無能動

善了知諸衆生心

稽首敬禮勝大悲

斷諸結使不生著

以力降怨善住戒

天中之天淨結垢
衆寶中最無垢穢
除斷貪瞋愚癡垢
演說四諦度四流
遊行三界爲利衆
常爲人天所供養
虛空人天所供養
常樂集於正善法
人尊調御住正道
淨音所說勝美妙
善解衆音到彼岸
趣空無相及無作

我稽首禮降諸怨
常樂智慧爲先首
稽首心等如虛空
說甘露法施淨眼
我稽首禮持輪相
常化衆生令度脫
我稽首禮人中勝
常以慈心等世間
稽首攝持一切德
適意柔軟梵音聲
稽首美妙如實說
能取甚深難見法

善能進趣入解脫
世尊善解知因緣
實說因緣業果報
無有來者及去者
如幻如炎水月像
生若無生都無生
其所止處如法住
有所言說便真實
金剛山身無動搖
其身口意等無異
我今欲問勝丈夫
尔時天冠菩薩偈讚佛已白言世尊今我於

稽首善知解脫道
常能斷離二邊見
我稽首離諸見闇
無慢善能觀諸法
稽首敬禮善法眼
若生及滅亦無滅
調御善住如是處
善住如如亘傾動
我稽首禮亘傾動
名聞無量徧三界
願尊勿慮為演說

如來應供正徧覺勝妙法中少有所問若佛
聽許乃敢諮請尔時佛告天冠菩薩善男子
恣汝所問隨汝所疑如來當說悅可汝心爾
時天冠菩薩白言世尊云何菩薩得成雜種
莊嚴之辯世尊云何菩薩得增勝智善知分
別甚深之法世尊云何菩薩善知諸根世尊
云何菩薩善能解知如應說法世尊云何菩
薩善知一切衆生心行世尊云何菩薩知一
切因行果報亦知出過所行無失世尊云何
菩薩莊嚴布施世尊云何菩薩莊嚴戒忍精
進禪智世尊云何菩薩善能解知莊嚴梵道
世尊云何菩薩不失神通世尊云何菩薩斷

諸結使世尊云何菩薩度到彼岸世尊云何
菩薩能見一切聲聞緣覺及諸衆生形色威
儀無有別異世尊云何菩薩觀於生死不住
涅槃世尊云何菩薩觀衆生界不動法界世
尊云何菩薩不退失利觀現失利世尊云何
菩薩有大財寶封邑無盡以方便力現爲貧
窮世尊云何菩薩行於諸行令有作門入無
作門世尊云何菩薩善觀諸法世尊云何菩
薩決定分別一切諸法世尊云何菩薩行諸
世法不爲所汙世尊云何菩薩於法自在不
觀望他世尊云何菩薩不離見佛世尊云何
菩薩善自調伏無諸惡法世尊云何菩薩善

爲師導而不悞法世尊云何菩薩爲諸衆生
作實依止世尊云何菩薩能轉一切諸佛法
輪世尊云何菩薩於一切法得灌頂位尔時
世尊讚天冠菩薩善哉善哉善男子汝今所
問多所利益安樂世間利安人天攝取未來
諸菩薩等善男子汝常曾於恒河沙等佛世
尊所諮請問難今復當大利益安樂未來菩
薩今此大乘得久住世善男子汝之所問善
心諦聽吾當演說天冠菩薩白言世尊受教
而聽善男子菩薩成就四法得於雜種莊嚴
之辯何等爲四是菩薩於一切衆生無侵害
心捨諸一切所愛之物心無悔悞有說法者

不斷其說起隨喜心歡喜踊躍讚言善哉勸
請說法若於晝夜若在僧中若在佛塔以菩
提心常為先導起志欲心喜樂諸法而是菩
薩專心志欲以法等施不期利養善男子是
為菩薩成就四法得成雜種莊嚴之辯善男
子菩薩成就四法得增勝智善知分別甚深
之法何等四法順因緣法知我實性知入一
切衆生實性知生死行無有來者無有去者
知一切法虛空印相是為四善男子菩薩成
就四法善調諸根何等四法善知法界門觀
諸法門無有障礙知諸神通善調伏心無有
二行是為四善男子菩薩成就四法善能解

知如應說法何等四辯智度衆生智分別法
智自淨其心亦淨一切衆生之心是爲四善
男子菩薩成就四法善知一切衆生心行何
等四智慧超出智無有礙入於方便諸有所
作終不中悔能自覺了是爲四善男子菩薩
成就四法善知造因所得業報亦知出過所

行無失何等四不說斷滅亦不說常因於業
報如實而知如法而現法法示相是中無我
無我所知於所作不失果報是爲四善男子
菩薩成就四法莊嚴布施何等四莊嚴相莊
嚴於好無比喻色無盡封邑及以寶手是爲
四善男子菩薩成就四法莊嚴持戒何等四

作轉輪王而善莊嚴菩提之心作釋提桓因
而善莊嚴菩提之心作大梵王而善莊嚴菩
提之心不墮惡道生人天善處而善莊嚴菩
提之心是爲四善男子菩薩成就四法莊嚴
忍辱何等四出梵音聲迦陵頻伽聲多人所
愛心意悅樂堅修善法得金色膚是爲四善
男子菩薩成就四法莊嚴精進得不可壞何
等四得一切衆生無能壞者爲諸衆生作不
請友有所爲作專志不懈心無疲厭樂集多聞
堅智莊嚴無猷是爲四善男子菩薩成就四
法莊嚴於禪何等四無諸鬧亂無有放逸無
有瞪懵不捨調伏心是爲四善男子菩薩成

就四法莊嚴智慧何等四不說我人衆生壽命得無礙辯善能分別一切句義於一切法無有疑惑是爲四善男子菩薩成就四法莊嚴梵道何等四在空淨處生起慈心爲化衆生起於悲心守護正法起於喜心生如來智起於捨心是爲四善男子菩薩成就四法不失神通何等四入於四禪而不退失入四空定知於方便心得自在知一切法神通遊至無量佛刹是爲四善男子菩薩成就四法斷諸結使何等四內自寂靜亦寂靜外善觀諸法知如幻化有大智力非憍慢力是爲四善男子菩薩成就四法度到彼岸何等四知於

欲流不證離欲知於有流隨意往生知於見
流不捨諸見知無明流不逆緣法是為四善
男子菩薩成就四法能現一切聲聞緣覺及
諸衆生形色威儀無有別異何等四善起如
幻三昧如實而知一切法相善觀五通自觀
己身知如幻化是為四善男子菩薩成就四
法觀於生死不住涅槃何等四諸佛護持自
大悲心善巧方便不捨本願是為四善男子
菩薩成就四法觀衆生界不動法界何等四
觀自實性解於法性觀衆生性不疑智性觀
諸衆生同涅槃性是為四善男子菩薩成就四
法不退失利觀現失利何等四以專志心趣

向涅槃修入生死專志欲於一切佛法現為
聲聞緣覺調伏是為四善男子菩薩成就四
法有大財寶封邑無盡以方便力現為貧窮
無諸財賄何等四或現作於轉輪大王釋梵
天王為化尊勝諸衆生故現作貧窮為化貧
窮諸衆生故見來求者盡捨一切所有財物
見大富者現無盡寶有自在力是為四善男
子菩薩成就四法令有作門入無作門何等
四說一切行無常淨於智行苦得於覺知一
切行無我離於諸見涅槃法寂得勝智進行
是為四善男子菩薩成就四法善觀察諸法
何等四善淨慧眼得明法眼佛眼現前於一

切法得灌頂位是爲四善男子菩薩成就四
法決定分別一切諸法何等四辯智無滯解
了諦智住四依智不捨陀羅尼智是爲四善
男子菩薩成就四法行於世法不爲所汙何
等四觀知世法超出過於世間衆生斷除愛
恚無所染汙畢竟明淨是爲四善男子菩薩
成就四法於法自在不觀望他何等四定得
自在智得自在慧得自在方便得自在是爲
四善男子菩薩成就四法不離見佛何等四
自往見佛亦勸衆生自往聽法亦勸衆生自
發菩提心亦勸衆生發菩提心常不捨離念
佛三昧是爲四善男子菩薩成就四法善自

調伏無諸惡法何等四出世聖慧觀察知見
顯示解脫善集法忍斷離一切不善法習是
為四善男子菩薩成就四法善為師導守而不
悞法何等四專心利益一切眾生志意堅固
無所嫌恨常行教化一切眾生自捨己樂修
集智慧常為一切眾生作利成於己利是為
四善男子菩薩成就四法為諸眾生作實依
止何等四捨於己利常求利他自捨諸樂為
諸眾生求於法樂如所聞法為人廣說無有
疲倦以法養命不以衣食是為四善男子菩
薩成就四法能轉一切諸佛法輪何等四得
陀羅尼得無斷辯智入一切眾生心行不觀

種姓而為說法引入涅槃是為四善男子菩
薩成就四法於一切法得灌頂位何等四出
過諸行住菩薩行得無生法忍示現生死為
不退轉印之所印入如來印住第十地善知
諸地是為菩薩成就四法於一切法得灌頂
位佛說如是諸四法時三千大千世界六種
震動大光普照於上空中百千億天作天伎
樂歌詠讚歎雨天曼陀羅華作是歎言如來
世尊無量阿僧祇劫所集無上正真道法皆
悉於是諸四法中開示顯說若有衆生得聞
是經受持讀誦兼復書寫於大衆中廣分別
說當知是人不從小功德來若有衆生聞於

如是諸四句法聞已信解受持讀誦在大衆
中廣爲人說不離菩提心彼人不久當於人
天諸大衆中大師子吼如今如來大師子吼
我等今者快得善利得聞如是諸四句法復
能信解演說如是諸四法時八万四千人天
發阿耨多羅三藐三菩提心万二千菩薩得
無生法忍尔時天冠菩薩白言世尊菩薩成
就幾法佛涅槃後得聞是經受持讀誦兼復
書寫於大衆中廣說顯示佛告天冠菩薩善
男子菩薩成就八法佛涅槃後受持讀誦書
寫此經於大衆中廣分別說何等八志意成
就專向菩提究竟行慈於諸衆生無侵害心

住於大悲化諸衆生常求法利樂法欲法求
法集法心無滿足如海吞流放捨身命守護
正法厚種善根集諸福德發起大願諸佛護
持降諸魔怨離大衆畏天冠是爲菩薩成就
八法佛涅槃後能得受持讀誦書寫如是經
法在大衆中廣爲人說當于演說如是法時
於此三千大千世界復六種震動坑坎埠阜
諸山汙穢江河池流及諸大海皆不復現亦
不惱觸水性衆生今時三千大千世界悉平
如掌微妙莊嚴於此三千大千世界百歲枯
樹皆生華葉傾向於佛諸生卉樹華葉果茂
亦復向佛此大地上生諸蓮華大如車輪雜

色可愛妙香適意大光普照徧此三千大千
世界上虛空中有諸天子不現其形鼓衆伎
樂聞是樂音雪山王中香山王中所有諸天
倍出妙香令此三千大千世界普悉大香時
雪山王香山王中雨衆妙華皆流趣佛徧滿
三千大千世界其餘諸樹亦悉雨華於上空
中有一寶蓋覆万由旬是大寶蓋垂諸真珠
貫鈴網莊嚴諸鈴網中所出音聲柔軟悅意
有大妙音徧聞三千大千世界尔時大德舍
利弗見是變現合掌向佛白言世尊是何光
瑞有是希有未曾之相普此三千大千世界
皆悉莊嚴甚可愛樂佛告舍利弗是大樹緊

那羅王從香山中與無量緊那羅無量軋闍
婆無量諸天無量摩睺羅伽大衆圍遶欲來
見佛禮拜供養是大樹緊那羅王欲來見佛
先現是相語言未久大樹緊那羅王與無量
緊那羅衆無量軋闍婆衆無量天衆無量摩
睺羅衆大衆圍遶作八万四千伎樂以淨妙
歌善和衆樂復有無量百千衆生皆悉隨從
菩薩神通大力所持上昇虚空普雨衆華來
詣佛所到已及諸侍從頂禮佛足右遶七匝
住世尊前尔時大樹緊那羅王以已所彈琉
璃之琴閣浮檀金華葉莊嚴善淨業報之所
造作在如來前善自調琴及餘八万四千伎

樂是大樹緊那羅王當彈此琴鼓衆樂時其
音普皆聞此三千大千世界是琴音聲及妙
歌聲隱蔽欲界諸天音樂亦時欲界所有諸
天皆捨音樂來詣佛所是大樹緊那羅王當
鼓琴時三千大千世界所有叢林諸山謂須
彌山王雪山山目真隣陀山摩訶目真隣陀山
黑山及衆藥草樹木叢林悉皆勇沒勇漸遍
勇等遍勇動漸遍動等遍動振漸遍振等遍
振猶如有人極爲醉酒前却顛倒不能自持
諸山湏彌峽峨勇沒亦復如是大樹緊那羅
王當鼓琴時佛大衆中人王衆等比丘比丘
尼優婆塞優波夷天龍夜叉軋閻婆阿脩羅

迦樓羅緊那羅摩睺羅伽釋梵護世若人非
人及離欲者唯除菩薩不退轉者其餘一切
諸大衆等聞是琴聲及諸樂音各不自安從
座起舞時諸一切聲聞大衆聞琴樂音不能
堪耐各從座起放捨威儀猶如逸樂小兒
舞戲不能自持尔時天冠菩薩語是一切諸
太聲聞大迦葉等汝諸大德已離煩惱得八
解脫見四聖諦云何今者各捨威儀如彼小
兒舉身動舞於時大德諸聲聞等答言善男
子我於是中不得自在何以故由是琴音我
等各各不安樂坐其身動舞不能自持所有
心念不能令住尔時天冠菩薩語大德迦葉

汝何者年少欲知足修行頭陀常樂空靜天
人阿脩羅敬汝如塔大德去何不能持身猶
小兒舞去何不護是大衆心大迦葉言善男
子如旋嵐大風吹諸樹木藥草叢林彼無有
力能自安持非彼本心之所欲樂然復鼓動
不能自持善男子今此大樹緊那羅王鼓作
琴樂妙歌和順諸簫笛音鼓動我心如旋嵐
風吹諸樹身不能自持是善丈夫誓願威勢
福德神力於諸聲聞及諸緣覺所有威德彼
爲殊勝尔時天冠菩薩語大迦葉汝今觀是
不退菩薩威德勢力彼琴樂音不能令其動
搖驚揚大德迦葉誰聞如是而當不發無上

正直菩提道心何以故今有量智所有威力
不如琴聲令如是等大威德人聞是琴聲不
能自持其向大乘不退轉者不能令動尔時
大樹緊那羅王更易調琴并及八万四千餘
樂佛威神力及大樹緊那羅王宿善根力之
所持故諸琴樂音說是偈言

一切諸法向寂靜
空淨寂滅無惱蓋
諸衆生等無衆生
以音聲說令衆聞
諸世界同無世界
無生無增亦無減

如是乃至上中下
無垢最上今顯現
過去現在亦復尔
是聲同等如法界
說示猶如虛空相
顯示虛妄如虛空

善覺諸佛悉同等
解達施戒及智慧
諸結寂滅永無結
無內無外亦無中
若法非法無妄想
覺了名色如實性
過去未來無邊量
本際寂滅無盡滅
以文字故說是法
知是文字盡相已
持心等持無所持
心及數法無有生

法界決定無毀壞
一相平等同無相
妄想於彼生分別
從於妄想顛倒有
推求諸法無所有
彼行於世無染著
所演說法亦如是
無有方所無住處
而此文字是盡相
於一切法無妄想
彼此不違於法相
知一切法入平等

際無際斷無所斷
了知三世平等已
世間貪著於名色
了知因緣法相已
所起我見永無起
若所起者本無起
其性猶如雲中電
我人衆生性自空
隨所覺知三脫門
一切有法無邊量
以文字說分別法
文字亦無有妄想

前後及中同叵得
彼智無邊無有量
有邊無邊皆寂靜
無我衆生命妄想
一切諸法亦無起
彼常隨順順法忍
一切法如我實性
入此陀羅尼印相
一相無相等同相
法法自無有妄想
若上若中及與下
推求分別真實義

義及文字共相應
若知本性常寂靜
若本性際常自斷
推求本際無本際
若大慈悲最清淨
亦復無高亦無下
法眼寂靜最寂靜
亦復無增亦無減
如空中聲亘捉持
是演說者及聽者

以音聲說無二義
彼本際性常自斷
為利世故修諸行
彼大慈悲最清淨
苦樂同等而修行
彼名知利大丈夫
若見不見常寂靜
彼性離作常寂靜
雖可聞知不可說
悉皆不實得自在
當諸琴樂演出是偈法音之時八千菩薩得
無生忍尔時天冠菩薩白佛言世尊如是妙

偈從何而出佛言善男子汝今自問大樹緊
那羅王彼當荅汝尔時天冠菩薩問於大樹
緊那羅王緊那羅王如是妙偈從何而出荅
言善男子從諸衆生音聲中出又問諸衆生
音聲從何而出荅言善男子衆生音聲從虛空
出天冠問言緊那羅王衆生音聲非口出耶
荅言善男子是衆生音爲從身出爲從心出
天冠荅言不從身出亦不從心出何以故身
癡無知如草木瓦石心無形色不可覩見無
有觸礙不可宣說猶如幻化大樹緊那羅言
善男子若離身心從何而出天冠荅言從於
思惟出生音聲又問若無虛空聲何由出天

冠答言若離虛空聲終不出緊那羅言善男子是故當知一切音聲從虛空出當知是聲即虛空性聞已便滅若其滅已同空性住是故諸法若說不說同虛空性是故應當不捨空際如音聲分諸法亦尔若以音聲有所說法而是諸法於音聲中求不可得音聲於法求亦叵得善男子是故說言一切諸法不可言說但以音聲名為言說當知言說為無所說又以音聲名為言說然是音聲本無住處若無住處則無堅實則名為實若其是實則不可壞若不可壞則無有起若無有起則無有滅若無有滅是名清淨若是清淨是則白

淨若是白淨是則無垢若是無垢則是光明
若是光明則是心性若是心性則是出過若
是出過則出過諸相若出過諸相則是正位
若菩薩在正位是則名得無生法忍若得無
生法忍一切能忍亦忍於空亦忍於人何以
故不離於人名之爲空相何以故是相人即
是空忍於無相亦忍於相何以故是相實性
即是無相忍於無願亦忍於願何以故願實
性相即是無願一切法性及衆生性一切常
滅亦如是忍何以故一切衆生生死之性猶
如幻夢是名菩薩得無生法忍不違一切法
不違一切法若順此忍則亦忍隨順諸法無

去若無去則無來若無去來知一切法是常
住如法常住眾生亦尔若得是處如法隨順
如處修行是名成就無生法忍一切言說即
是音聲為語他故起是音聲是無生法忍無
有能說無有能聽何以故是義不可得故而
是法忍非聲非說善男子如來世尊有是威
德同不可得義不可得義說於有得

大樹緊那羅王所問經卷第一

被

柔而

下軟字

恹

音希

蔽

必祭反掩

湍天

上經

而朱反諸

呼為

名稱普聞

稱聞二字皆

瘕穢

上正作瑕

巨

正可反

膚

音夫

瞪

二字正作

懣

下莫鄧

不可也

皮

一

聲下並同

上音

一

懣

亂之

反 魁 財 賄 下每反 嗔 法 上良刃反 慚 恨 上苦點反 坑
 坎 上口庚反 追 阜 上丁回反 頗 峨 上音我 可 反 下
 動 之息或 儻 舞 耐 舞字而反 旋 嵐 下郎含 犀 角 觸字
 作 岷 峨 舞 耐 反 奴 伐 旋 嵐 反 迅 猛 犀 角 字

本 樹 緊 系 那 羅 王 所 問 經 卷 第 一 被



